

Inatsisartut suleriaasianni § 37 naapertorlugu matumuuna apeqqutit Naalakkersuisunut imaattoq saqqummiuppara:

Apeqqut:

Innuttaasut nappaassuarmik eqqugaasut qaniginerpaasaallu allanik nanertuuteqaratik katsorsarneqarneranni najortigiissinnaanerat anguniarlugu Naalakkersuisut iliuseqalersaernerlutik?

(Inatsisartuni ilaasortaq Jess Svane, Siumut)

Tungavilersuut:

Tusartualerparput nappaassuarmik Kræftimik eqqugaasut katsorsarneqarnermi nalaani nappaamik nanertugaaneq kisimi pinnani pisussaaffiit akiligassallu unigatik takkussuuttuartut nanertugaanermut ilaliuttartut. Minnerunngitsumillu katsorsaatitut sunniuteqarluartartoq, tassalu qaniginerpaasap najuunnerani aningaasarpassuarnik akiligassaqalernermik kinguneqartartoq.

Tassami amerlasuutigut akiligassat pissutaallutik ajornerpaamik inissittoqassanngippat ajoraluartumik katsorsartittoq nanertugaareeqisoq kiserngoruttarpoq naak ilaqttamik najorteqarnissap pisariaqarnerpaaffigisaraluaniluunniit.

Allaallumi takornartariunnaarparput qaniginerpaasap suliffimminik annaasaqarneranik kinguneqartalersimasoq pisariaqartinneqarnerpaaffimmi qanigisamut katsorsartittumut tapersersuilluni najuisariaqarnek pissutaalluni suliffimmiit peqanngittariaqartarnek.

Tamatumalu aamma kinguneraa pisortat isumagisariaqaligaat amerleriartarmata ilaatigut suliffeerunnertik peqqutigalugu sapilersinneqarnerminnik tunngaavilimmik.

Inuit susinnaajunnaartinnagit namminneerlutik ingerlariaqqinnissaannut aqutissiuussuuartariaqarpugut, inuimmi uniinnartinnissaannut akissaqanngilagut.

Ilungersorneq angivoq, pisortat imminnek artukkeriartuinnartarput inuit nanertisimareeqisut pisortani sullisseriaasitta ullumikkutut ittuq nanertisimanerat suli annerulersikkaangatsigu.

Ullut suliffiit nalinginnaasut 10-t qaangiutsinnagit akineqarnissara piumasaraara.